



# Synfocity = 840

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

May 12, 2022

## ☐ **KTP General Conference a tiak ta**

Mizorama Thalai Inkhawmpui lian ber Kristian Thalai Pawl (KTP) General Conference vawi 59-na, Diakkawn Field, Kolasib-a nghah chu May 5 - 8, 2022 chhung khan Pathian hruainain tuang taka neih a ni. General Conference thupui chu "*Tunlai thil awmzia*" a ni a, Speaker Revd. Dr. Chuauthuama, Ramhlun Vengchhak a ni.

May 7 (Inrinni) khan Tumpui Kohhran Biak Inah Synod Moderator Rev. Dr. Vanlalnghaka Ralte kaihhruiin kum 2022 - 2024 chhunga Central KTP hruaitu tur thlanna neih a ni a, hetiangin Office Bearers chanvo insiamrem a ni:

Leader : Rev. Dr. F. Pachhunga (Synod ruat)  
Assistant Leader : Pu LV Lalthantluanga, Chanmari Bial  
General Secretary : Upa Rochungnunga (Synod ruat)  
Assistant Secretary : Upa Johny Lalawmpuia, Armed Veng Bial  
Treasurer : T. Upa PC Vanlalnunmawia, Venghnuai Bial  
Finance Secretary : Upa F. Zoherliana, Luangmual Bial

Committee Member-te

1. Tv. Malsawmdawngliana, Republic Veng Bial (Kristian Thalai Editor)
2. Tv. Vanromawia, Chhinga Veng Bial (Synod Choir Director)
3. Pu Lalrempuia, Chanmari West Bial
4. Pu Jonathan Lalhruaitluanga, Kulikawn Bial
5. Upa Lalchharmawia, Zemabawk North Bial
6. Pu K. Lalfakzuala, Dawrpui Vengthar Bial
7. Pu H. Rosangzuala, Bawngkawn Bial
8. Tv. C. Lalbiakmawia, Ramhlun North Bial
9. Pu Lalnunsanga, Durtlang Bial
10. T. Upa Lalbiakthuama, Tuikual Bial
11. T. Upa Robert Lalrinawma, Ramthar Veng Bial
12. Pu R. Lalmalsawma, Khatla Bial
13. Tv. Rinsailova Sailo, Electric Veng Bial
14. Pu Lalruatfela, Chaltlang Bial
15. Pu F. Lalremruata, Dawrpui Bial
16. Tv. PC Lalthanmawia, Vaivakawn Bial
17. T. Upa TC Lalremsiama, Zuangtui Bial
18. Tv. C. Lalkhawngaiha, Mission Vengthlang Bial
19. Pu Rossi Lallawmawma, Mission Veng Bial
20. Pu. C. Hmingthanzauva, Bungkawn Bial
21. Ni. F. Lallianzuali, Zonuam Bial
22. Tv. Lalringgheta, Asst. Coordinator

Inthlan zawhah Central KTP Leader Rev. Vanlalmanpuia Khiangte kaihhruiin rorel a ni a. Rorel palai hi chhimtute nen an vaiin 1076 an ni a. Kum 2022-2023 Budget atan Rs. 66,10,000 chu pawm a ni.

KTP General Conference vawi 60-na kum 2024-ah Ngopa-ah nghah a ni a, a vawi 61-na (kum 2026) chu Saitual-ah nghah a ni.

## **2021 Bial KTP Report Khaikhawmna Bial dinhmun tlangpui :**

1. Bial awm zat 216
2. Member tamna Bial 3
  - 1) Ramhlun North - 2256      2) Champhai Vengthlang - 2242      3) Mission Veng - 2219
3. Member tlemna Bial 3
  - 1) Buarpui - 30      2) Pune - 65      3) Chawngte 'L' - 91

Contd..

4. Branch awm zat - 891 (Ramchhung - 846, Rampawn - 45)
5. Member awm zat - 1,57,830 (Mipa - 97,542; Hmeichhia - 60,288)
6. Member tamna Branch 3
  - 1) Mission Veng - 1477                      2) Ramhlun North - 1231                      3) Chanmari - 1176
7. Member tlemna Branch 3
  - 1) Peren (Kohima Bial) - 3
  - 2) Rotlang East (Hnahthial Bial) - 4
  - 3) Andermanik (Tuipuibari Bial) - 6
8. Member thi zat 456 (Mipa - 386; Hmeichhia - 70)
9. Member thi awm miah lohna bial awm zat - 60
10. Innei zat - 3836
  - 1) Biak In-a innei zat - 1815 (47.31%)                      2) Hmun danga innei zat - 2021 (52.69%)
11. Bial leh Branch Missionary chawm zat belhkhawm - 4246
12. Ram puma Thawhtan zan inkhawm chawhrual - 28510.37 (18.06%)
13. Member inkhawm thatna Bial 3-te :
  - 1) Buarpui - 50.00%                      2) Hmawngbu - 50.00%                      3) Phainuam - 46.60%

☐ **Synod Worship Committee (Special Meeting)**

May 10, 2022 (Thawhlelni) chawhma dar 10 khan Synod Worship Committee (Special Meeting), J.M. Lloyd Hall, Synod Office-ah neih a ni a, Aizawl chhung atangin 30 leh Aizawl pawn atangin 44, an vaiin member 74 an kal.

Meeting hi Rev. Dr. Vanlalngbaka Ralte, Synod Moderator-in a kaihruai a, Rev. Dr. K. Lallawmzuala, Executive Secretary i/c Worship hnen atangin Secretary Report ngaihthlak a ni.

Tun tumah hian Kohhran Pathian biak inkhawm kalhmang zirchian thu te, Kristian Hla bu-a hla serhte duh duha kaihlek a nih loh nana humhalh thu te, Kristian Hla bu ennawn chungchanga hmalak dan tur te chu thu ngaihtuah langsar zualte an ni.

☐ **Synod Pastoral Committee**

May 11, 2022 (Nilaini) chawhma dar 10 khan Synod Pastoral Committee, J.M. Lloyd Hall, Synod Office-ah neih a ni a, hei hi kum 2022 - 2024 term thutkhawm vawi 1-na a ni. Aizawl chhung atangin 36 leh Aizawl pawn atangin 84, an vaiin member 120 an kal.

Meeting hi Rev. Dr. Vanlalngbaka Ralte, Synod Moderator-in a kaihruai a, Rev. Z.D. Lalmachhuana, Synod Secretary (Sr.) hnen atangin Secretary Report ngaihthlak a ni.

Report-ah hian kum 2021 Synod-in a rel angin Tualcheng Pastor Bial thar Mizoram chhungah hawn thu leh Ramthar lamah Pastor Bial 2 hawn a nih thu te, Pro. Pastor 17 lak thar thu te, Minister pension-a chhuak 15 an awm thu te, Kum 2020 leh 2021 Synod inkarah Minister thi 10 lai an awm thu te, Awmna ngaia kum 5 awm tawh awm zui tur 14 an awm thu te, Field Secretary/Administrative Secretary-a ruat thar 12 an awm thu te, Minister Bial vawng leh vawng lo term hmang zo 50 sawn an nih thu te, 2022 May-a zir zo tur 8 an awm thu te, Minister leh Pastor 15 awmna siam rem thu te, Pastor nemnggeh thar 17 an awm thu te leh Pro. Pastor 5 awmna siam rem thu te a ni.

Synod 2021 hnuah Pastor 2 - Rev. Hasei Vaiphei, Manipur Area, Leilon Bialtu Pastor leh Rev. Sairengpuia Sailo, Counsellor, FG&CC ten chatuan ram an pan thu te, 2021 Synod inkhawmpuiin a rel angin Bial 3 - Tualcheng, Kulpi, Calcutta leh Rayagadha, Odhisa-ah hawn a nih thu te, Pastor leh Pro. Pastor awmna sawnte Induction neih a nih thu te tarlan a ni bawk.

Meeting-ah hian Pastor zirna sang zawk zir leh dilte atangin D.Th.-ah 4, M.Th.-ah 6, D.Min.-ah 3, B.D. (Hindi)-ah 2 leh Diploma in Clinical Pastoral Counselling (DCPC)-ah 1 te zir chhunzawm phalsak an ni.

☐ **MSSU**

♦ May 14 - 15, 2022 chhung hian Kanghmun Kohhranah Sunday School zirtirtu training neihpui turin Pu Lalhmunzauva Tlau, Asst. Coordinator leh MSSU trainer te - Upa C. Lalbiaksanga leh Upa Hrilthansanga te an kal ang.

♦ May 14, 2022 (Inrinni) hian Salem Mualpui Kohhranah Sunday school zirtirtu training neihpui turin Pu HK Hmingthanzuala, Asst. Coordinator leh MSSU Trainer te - Upa K. Vanlalngbaka leh Upa Lalrosanga Kawlni te an kal ang.

☐ **Synod Social Front Committee**

May ni 12, 2022 ningani chawhma dar 10 khan Synod Social Front Committee vawi 194-na chu J.M Lloyd Hall, Synod Office-ah an thu a, Aizawl chung aṭangin 15 leh Aizawl pawn aṭangin 20, an vaiin member 35 an kal.

Meeting hi Rev. Dr. Vanlalngbaka Ralte, Synod Moderator-in a kaihruai a, Secretary hnen aṭangin Secretary Report ngaihthlak a ni. Report-ah hian Synod Rescue Home, Durtlang leh Champhai ami te hripui avanga hun engemaw chen damlo admit theih anih loh hnuah tunah chuan kaldan pangngaiin kal leh theih anih tawh thu te, Synod Charity Store leh Upate In pawh kal dan pangngaia kal a nih leh theih tawh thu te, "Mizote tan nun kawng dik" lekhhabu thar release anih thu te, Synod Social Front inkaihhruaina bu thar siam anih thu te, Bial hrang hrangah Synod Social Front campaign neih anih thu te tarlan a ni.

Tun tumah hian thu ngaihtuah tur 12 chhawpchuah a ni a, Social Media a tha zawnga hman dan inzirtir rawtna te, Ram ngaw, nungcha leh tui hna nasa zawka humhalh chungchang te, Political Education chungchang te, Synod Rescue Home Durtlang, handbook chungchang te, Kutthemthiam training buatsaih chungchang te hi a langsar zualte an ni.

☐ **Synod Prison Ministry**

♦ May 6, 2022 (Zirtawpni) khan Synod Prison Ministry hmalaknain Central Jail-ah Bible leh Kristian Hlabu mimal ta tur leh inkhawmnaa an hman tur hlan a ni a, Special Superintendent leh Asst. Jailer ten an lo dawngsawng a ni. Hemi bakah hian District Jail, Aizawl; Siaha Jail, Lawngtlai Jail leh Champhai Jail-ah te Bible leh Hlabu hi Synod Prison Ministry District Hruaituten an hlan bawk. Hemi atan hian Bible 300 chuang leh Kristian Hlabu 300 sem a ni.

♦ May 8, 2022 (Pathianni) khan Synod Prison Ministry Awareness Campaign neiin Tuikhuahtlang Kohhranah hun an hmang a, Awareness Campaign hi May thla chung hian Aizawl khawpui chung Kohhran hrang hrangah neih chhunzawm zel tur a ni.

May 10, 2022 (Thawhlejni) chawhnu khan Synod Prison Ministry hmalaknain Bungkawn Kohhranin CWJ-ah Jail tlawhte tana chawlh buk(Waiting Shed) sakna tur hmunhma enfelin an kal a, special superintendent-in alo dawngsawng a ni.

☐ **Presbyterian English School (PES)**

♦ Lungdai Presbyterian English School Building thar chu Rev. Dr. K. Lallawmzuala, Executive Secretary i/c Education-in May 5, 2022 (Ningani) khan a hawng a. Tunah hian thawktu 12 awmin zirlai 250 an nei mek a, Class-VIII thleng an nei.

♦ Zawlnuam Presbyterian English School Building thar chu Pu PC. Vanlalhruaia, Supervisor of Schools (PES)-in May 6, 2022 (Zirtawpni) khan a hawng a. Tunah hian Class-VIII thleng hawn a ni a, thawktu 11 awmin zirlai 141 an nei mek. Zawlnuam PES building thar hawn bakah Pu PC. Vanlalhruaia, Supervisor of Schools (PES) hian Bairabi PES, Suarhliap PES, Zamuang PES, Rengdil PES, Kawrthah PES leh Tuidam PES te a tlawh nghal a, staff leh Management Board member te nen inkawmhona hun tha tak an nei bawk.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aṭangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	East Lungdar	Tuilian tuar	8	Rs. 66,000/-
2.	Zohmun	Damlo	3	Rs. 24,000/-
3.	Bairabi Dinthar	In kang	2	Rs. 20,000/-
4.	Zemabawk South	Damlo	2	Rs. 16,000/-
5.	Zokhawthiang	Damlo	2	Rs. 16,000/-
6.	Tuipuibari Venghlui	Accident	2	Rs. 10,000/-
7.	Persang	Damlo	1	Rs. 8,000/-
8.	Kawrtethawveng	Damlo	1	Rs. 8,000/-
9.	Buhban	In chhia	1	Rs. 8,000/-
10.	Palsang	Damlo	1	Rs. 8,000/-
11.	West Serzawl	Damlo	1	Rs. 8,000/-
<b>BELHKHAWM</b>				<b>Rs. 1,92,000/-</b>

☐ **Synod Revival**

- ◆ April 30 & May 1, 2022 leh May 7 & 8, 2022 chhung khan Operation Nehemia neiin Aizawl leh a chheh velah Revival Speaker-te group 10-ah inthenin mi 810 hnenah rawngbawlina an nei.
- ◆ Kohhran Pavalai Pawl rampum huap intawhkhawm chu September 30 - October 2, 2022 chhung hian Mission Vengthlang Kohhran-ah hman tura ruahmanna siam a ni.

☐ **Kohhran Hmeichhia**

May 13 - 15, 2022 chhung hian Bungtlang Bial-ah Leadership Training leh Kristian Chhungkaw Campaign nei turin Central Kohhran Hmeichhe Hruaitute - Pi Siampui Pautu, Pi C. Lalbiakluangi, Pi R. Lalnuntluangi leh Pi K. Lalthakimi te an kal ang.

☐ **Zin**

May 9 - 16, 2022 chhung hian Nepal leh Siliguri Mission Field tlawhin Synod Mission Board Secretary Rev. R. Lalhmingsanga leh BEC member te - Rev. F. Lalrinnunga leh Rev. C. Chawngliana te an kal.

☐ **Sunna : Rev. Sairengpua Sailo, Kum 55**

Rev. Sairengpua Sailo, kum 55 chu May 8, 2022 (Pathianni) chawhma dar 10 khan Kal(Kidney) Cancer avangin a thi a, May 9, 2022 (Thawhtanni) chhun 12:30 khan Kolasib Venglai Kohhran Biak Inah Rev. Dr. Vanlalngaka Ralte, Moderator, Mizoram Synod-in a vui.

Rev. Sairengpua Sailo hi November 30, 1967 khan Pu Lalngura Sailo (L) leh Pi Biakluangi (L) te fa 10 zinga 7-na ni turin Chhawrtui khuaah a piang a. An unau hi 10 an ni a. Kum 1992 December ni 2 khan Pi Laldingliani d/o Upa Saithankhuma, Durtlang Leitan nen innein fa 3 an nei.

St. John High School, Kolasib-ah zirna bul tanin HSLC thlang a zir a, kum 1994 khan Private-in P.U. a pass a, chumi hnu 1995-ah ATC-ah B.Th. zir tanin 1999 khan a zir chhuak a ni. Kum 2006 atanga kum 2008 chhung khan UTC Bangalore-ah B.D a zir leh a ni.

Rev. Sairengpua Sailo hi a tet lai atangin naupang harhvang leh hlim thei tak a ni a, fiamthu duh mi a ni. Midangte khawngaihna ngah, thian siam thiam, thil reng reng a eng zawnga thlir thin mi a ni. Pa tawng duh, rualpawl leh thenrual kawm nuam ti mi, Kohhran leh Krista rawngbawlina dah chungnunga inpumpek mi a ni. Krista Chanchin Tha tuipui mi a ni a, Bible chhiar leh fianrial tawngtai te hi a uar hle. Pastor-a a luh hmian Missionary-in a lo chhuak tawh a, February 1990 - December 1993 thlang khan Evangelist Teacher-in Chikha (Tuipubari Bial)-ah a thawk a, January 1994 - October 1995 thlang Bethani (Hortoki Bial)-ah a thawk leh a. Kum 1999 Synod Inkhawmpui chuan Probationary Pastor atan a la a. Vanzau Bial, Tuidu, Tripura Bial, Jharkhand Mission Field, MTC, Cambodia, Biata Bial leh Tripura Mission Field leh FG&CC, Mission Veng-ah te a awm tawh a ni.

Tripura Mission Field-a Field Secretary-a a awm lai March 2021 thla tir lam khan a khuh a reh thei lova, Tripura Medical College-ah a inentir a, Cancer a ni tih hmuhchhuah a ni a. CMC&H Vellore lamah refer niin March 2021 khan a inentir ta a, a chuap, a kal (Kidney) leh a thluak-ah te Cancer a lo taidarh vek tawh tih hriat a ni. Zai ngam a ni tawh lova, dam mai thei lo dinhmuna dingin damdawi nen enkawlzui a ni ta a ni. March 2022-a check up-a a kal leh khan a kal (Kidney) pakhat paih sak a ni a. A damdawi ei lai mekin a taksa-ah harsatna hrang hrang a siam avangin a rawn haw chho hi Doctor-te'n a damdawi an thlak sak a. A natna avanga damdawi In a awm chhung tih loh chu rawngbawlina hi damlo chung pawhin a chawlhan lo. April 20, 2022 khan a pum a nawm loh avangin Synod Hospital, Durtlang-ah admit a ni a, a rilphir an lo zai sak a. A dam that theih loh avangin April 25, 2022 khan Ebenezer Hospital-ah refer a nih angin admit a ni a; nachhawknah leh dialysis hmanga enkawl a ni a. May 8, 2022 (Pathianni) chawhma dar 10 khan Kidney Cancer avangin Lalpa hnenah a chawl ta a ni.

☐ **Hruaina Eng FM Radio :**

**MAY 13, 2022 (Zirtawpni) (FM Zoawi - Aizawl & Lunglei @ 7:30 p.m.):**

**Solo** : Baby Malsawmtluangi - Chhandamtu

**Zaipawl** : Luangmual Bial Zaipawl - A ropui e

**Thusawi** : Rev. F. Lalrinnunga - Pathian chawimawina dawngtlak mite

**Solo** : Elizah Lalrinawma - I ta ka ni

**Zaipawl** : Leitan Bial Zaipawl - Hmangaihna

☐ **Susamachar Prasaran Programme :**

**MAY 15, 2022 (Pathianni) 5:00 pm. :**

- Group/Choir/Solo** : Lunglei Area Masihi Sangati - Yisu lio tera nam  
**Group/Choir/Solo** : PC Lianhmingthanga - Mera Masih  
**Sermon** : Rev. PC. Rohlira - Uth Prakash Maan Ho  
**Group/Choir/Solo** : Himali Kohhran Zaipawl - Isu Mash tere Jeisa Koi Nahi  
**Group/Choir/Solo** : Aizawl West-I Masihi Sangati - Tere Stuti

☐ **Moderator leh Executive Secretary-te Programme:**

**Rev. Dr. Vanlalngbaka Ralte : Moderator**

- May 14, 2022 Thentlang Kohhran  
 May 15, 2022 Sakawtuichhun Bial:  
                   Chawhma - Central Jail Kohhran  
                   Chawhnu - Sakawtuichhun North Kohhran  
                   Zan - Sakawtuichhun Kohhran

May 16, 2022 Synod Service Board

**Rev. C. Zoramawia : Senior Executive Secretary**

Delhi-ah in check-up turin a kal.

**Rev. V.L. Luaia Hranleh : Executive Secretary**

- May 16, 2022 Synod Service Board  
 May 17, 2022 Archive Committee  
 May 18 & 19, 2022 Finance committee  
 May 20, 2022 Central Kohhran Hmeichhe committee

**Rev. Dr. K. Lallawmzuala : Executive Secretary**

- May 16, 2022 Synod Service Board  
 May 17, 2022 MTC Graduation day  
 May 18 & 19, 2022 Finance committee  
 May 20 - 22, 2022 Champhai - Social Front Campaign

**MIZORAM CHRISTIAN COLLEGE: ADMISSION NOTICE**

Kum 2022-2023 session atan ni 16.05.2022 (Thawhtanni) atangin heng a hnuai Under Graduate course hrang hrangah te hian admission hawn a ni dawn e:

Bachelor of Arts (BA)

- |                      |                          |              |
|----------------------|--------------------------|--------------|
| 1) English           | 2) Mizo                  |              |
| 3) Political Science | 4) Public Administration | 5) Sociology |

Bachelor of Commerce (B.Com)

Bachelor of Business Administration (BBA)

Admission form hi college website [www.mizoramchristiancollege.org](http://www.mizoramchristiancollege.org)-ah download theih a ni ang. Hrechiang duh tan Phone No: 9612568456/8575948332/9612688838 ah te zawhfiah theih reng a ni.

*Sd/-*

Rev. Dr. Lalchungnunga  
 Principal, Mizoram Christian College

**KOHRAN PAVALAI PAWL HRIATTIRNA**

Pathian zarah Kohhran Pavalai Pawl chu tuang takin a kal zel a, Bial leh Tualchung-ah ding thar kan awm zel a, a lawmawm hle mai. Bial-ah emaw Tualchung-ah emaw Kohhran Pavalai Pawl ding tawh la in report lo apiang ten Report Form siamsa hmangin Revival Office-ah report pek zel tur a ni.